




هر چیه طعن و ملامت ایتسه لر قیاماز اثر
 دشمنه برداخنی وارمق یوق هله طوغری خبر
 ورد ایدئمئشدر « فدائی » بک بوشعری هرسحر
 قوی دیسونلر بیزه غیرتسیر . لکه اوغلی لکه
 ایتسونلر تک همان تکلیف جنک و دهرکه

کوی خواجه سی

فاضل محترم ، مالک لباس کمالات و حکم ، غریبان زاده علی وحید
 افدینک بالاده کی نام ایله پوشیده کسوه طبع و نشر ایلدیکی رساله برکزیده نک
 اوچ نسخه سی مصادف نظر ابتهاج اولدی . علی وحید افندی عالم مطبوعاتده
 یکی طائمش اولیوب نسیج طبع بلاغت پیرالری اولان کوی خطیبی ،
 عسکر علم حالی ، دین درس لری ، چناق قلعه جبهه سنده دویوب
 دوشوند کرم ، تورکجه خطبه لر ، وجود صاغلی کی قیمتی اثرلرینک
 جمله سی کسوه آرای مطبوعاتدر . عربستان سیاحتی ، سجلیاده عربلر کی
 هنوز ملبوس لباسی طبع و نشر اولمیان مفید ، نزیه اثرلری ده واردر .
 علی وحید افندی حضرتلرینک آثار کزیده لری چیللاق اثرلردن اولیوب
 شیوه سجه میله مزه موافق او یله ظریف او یله بر حسن ادایی حائزدر که
 هر کلامک بر عروس ناز پرورددر سنک
 کیم بو عالمدن دکل اثواب و زیب و زیوری
 دینسه مبالغه ایدلماش اولدیغنی آثار بی مثالی هر اوقویان البته تصدیق ایدر .
 بناء علیه (کوی خواجه سی) فی تبریک ، دوام نشرینی جاندن تمنی ایلرزم .

